

III. OUTRAS DISPOSICIÓNS

CONSELLERÍA DE EDUCACIÓN E ORDENACIÓN UNIVERSITARIA

Orde do 10 de febreiro de 2011 pola que se modifica a autorización do centro privado Lar, do concello de Mos (Pontevedra).

O representante da titularidade do CPR Lar, do Concello de Mos, solicita a ampliación de 1 unidade do segundo ciclo de educación infantil.

O Departamento Territorial desta consellería de Pontevedra, achega o expediente cos correspondentes informes de conformidade co Real decreto 132/2010, do 12 de febreiro, polo que se establecen os requisitos mínimos dos centros que imparten as ensinanzas do segundo ciclo de educación infantil, a educación primaria e a educación secundaria, o Decreto 133/1995, do 10 de maio, de autorización de centros docentes privados para impartir ensinanzas de réxime xeral non universitarias e coa Orde do 20 de setembro de 1995 que o desenvolve.

Por proposta da Dirección Xeral de Centros e Recursos Humanos,

DISPOÑO:

Primeiro.-Autorizar a ampliación de 1 unidade do segundo ciclo de educación infantil no centro privado que se sinala a continuación:

Denominación: CPR Lar.

Código do centro: 36005427.

Domicilio: avda. Rebullón, 21.

Localidade: Puxeiros.

Concello: Mos.

Provincia: Pontevedra.

Titular: *Colegio Lar, S.L.*

Composición resultante:

-6 unidades de educación infantil.

-12 unidades de educación primaria.

-8 unidades de educación secundaria obrigatoria.

-6 unidades de bacharelato, das modalidades de Ciencias e Tecnoloxía, e Humanidades e Ciencias Sociais.

-2 unidades de educación especial (psíquicos).

Educación para persoas adultas:

-Ensinanzas básicas iniciais.

-Educación secundaria para persoas adultas.

-6 unidades de bacharelato, das modalidades de Ciencias e Tecnoloxía, e Humanidades e Ciencias Sociais.

Segundo.-Para a posta en funcionamento da unidade que se amplía a Xefatura Territorial da Consellería de Educación e Ordenación Universitaria de Pontevedra, logo do informe do Servizo Territorial de Inspección Educativa, aprobará expresamente a relación de persoal que impartirá docencia.

Terceiro.-O centro queda obrigado ao cumprimento da normativa vixente e a solicitar a oportuna revisión

cando teña que modificarse calquera dos datos que se sinalan nesta orde.

Contra esta orde, que esgota a vía administrativa, as persoas interesadas poderán formular recurso potestativo de reposición ante esta consellería, no prazo de un mes, contado a partir do día seguinte ao da súa publicación no *Diario Oficial de Galicia*, segundo o disposto nos artigos 116º e 117º da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben, directamente, o recurso contencioso-administrativo no prazo de dous meses desde a mesma data, ante a Sala do Contencioso-Administrativo do Tribunal Superior de Xustiza de Galicia, de conformidade co artigo 46º da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 10 de febreiro de 2011.

Jesús Vázquez Abad
Conselleiro de Educación
e Ordenación Universitaria

CONSELLERÍA DE CULTURA E TURISMO

Resolución do 17 de febreiro de 2011 pola que se dá publicidade ás axudas concedidas ao abeiro da Orde do 29 de abril de 2010 pola que se establecen as bases reguladoras para a concesión, en réxime de concorrencia competitiva, das subvencións para a potenciación do turismo mediante a mellora de establecementos restaurantes en edificios singulares que contén con calquera recoñecemento oficial, núcleos históricos, paraxes e paisaxes naturais de calquera recoñecemento oficial, e se procede á súa convocatoria para o ano 2010 (Diario Oficial de Galicia número 86, do 7 de maio).

En cumprimento do disposto no artigo 15º.1 da Lei 9/1997, do 13 de xuño, de subvencións de Galicia

RESOLVO:

Ordenar a publicación no *Diario Oficial de Galicia* das subvencións concedidas con cargo á aplicación orzamentaria 11.02.761A.770.0-200700372, ao abeiro da Orde do 29 de abril de 2010 pola que se establecen as bases reguladoras para a concesión, en réxime de concorrencia competitiva das subvencións para a potenciación do turismo mediante a mellora de establecementos restaurantes en edificios singulares que contén con calquera recoñecemento oficial, núcleos históricos, lugares e paisaxes naturais de calquera recoñecemento oficial, e se procede á súa convocatoria para o ano 2010.